



ORDENANZA 3.22

TAXA POLA OCUPACION DE TERREOS DE USO PUBLICO CON MESAS E CADEIRAS CON FINALIDADE LUCRATIVA

Artigo 1º. Fundamento e natureza

De conformidade co previsto no artigo 20.A) do Real Decreto Legislativo 2/2004, de 5 de marzo, polo que se aproba o texto refundido da Lei reguladora das Facendas Locais (TRLFL), este Concello establece a tasa por utilización privativa ou aproveitamento especial do dominio público consistente na ocupación de terreos de uso público con mesas e cadeiras con finalidade lucrativa, a que se refire o art.20.3.l) do TRLFL, e que se rexerá pola presente Ordenanza e cuas normas atenden ó previsto no artigo 57 do citado Real Decreto Legislativo e na Ordenanza xeral de circulación e uso da vía pública do Concello de Santiago de Compostela

Artigo 2º. Feito imponible

Constitue o feito imponible a ocupación de terreos de uso público local con mesas e cadeiras, con finalidade lucrativa, nos termos sinalados no artigo 111 da Ordenanza xeral de circulación e uso da vía pública.

Artigo 3º. Suxeito pasivo

Son suxeitos pasivos, en concepto de contribuíntes, as persoas físicas e xurídicas e as Entidades a que se refire o art. 35.4 da Lei 58/2003, de 17 de decembro, Xeral Tributaria a favor das que se outorguen as licencias, e os que carecendo da oportuna autorización se beneficien do aproveitamento .

Artigo 4º. Base imponible

1. A base imponible estará constituída polo número de metros cuadrados de superficie de dominio público ocupado polas mesas e cadeiras.
2. Os metros cuadrados de ocupación a efectos do cálculo da taxa serán **os aprobados na autorización municipal e, noutro caso, os que resulten de aplicar as previsións contidas no artigo 110.2 da Ordenanza xeral de circulación e uso da vía pública.**

Artigo 5º. Cota tributaria

1. A cota tributaria resultara de aplicar á base ó valor de 18,030363 €
2. Asemesmo sobre as devanditas cotas aplicaránse os índices de situación establecidos para o cálculo da débeda tributaria no IAE según a categoría de rúa donde se encontren ubicados as mesas e cadeiras
3. Sobre as cotas anteriores aplicarásese o coeficiente 1.5 no caso de autorizacións anuais para a ocupación de dominio público con mesas e cadeiras, con finalidade lucrativa.
A estes efectos, e segundo dispón o artigo 111.3 da Ordenanza Xeral de circulación e uso da vía pública do Concello de Santiago, entenderásese por autorización de temporada as que vaian desde o 1 de marzo ata o 30 de outubro, e por anuais as que autoricen a instalación desde o 1 de xaneiro ó 31 de decembro.
4. En todo caso, e con carácter mínimo, esixirásese unha cota de 60,10 €

Artigo 6º. Periodo impositivo e devengo

1. No caso de ocupacións permanentes, ó período impositivo coincide co ano natural, agás cando se trate de supostos de inicio da utilización privativa ou aproveitamento especial do dominio público local, caso no que abarcará dende a data da concesión da autorización municipal ata o remate do ano natural.
Polo que respecta os casos de autorización de temporada ó período impositivo iniciase o 1 de marzo e finaliza o 31 de outubro

2. A taxa devéngase o 1 de xaneiro de cada ano nos supostos de autorización anual e o 1 de marzo nos casos de autorización de temporada e as cotas serán irreducibles, agás cando nos casos de inicio da utilización privativa ou aproveitamento especial do dominio público local a data de inicio non coincida coa data do devengo, de tal xeito que neste caso as cotas calcularáanse proporcionalmente ó número de semestres naturais no suposto de autorización anual, e ó número de cuatrimestres naturais no suposto de autorización de temporada, que resten para rematar o ano, incluído o de comenzo da utilización ou aproveitamento especial.
3. Asímesmo, e no caso de cese na utilización privativa ou aproveitamento especial as cuotas serán prorrateables por semestres naturais no suposto de autorización anual e por cuatrimestres naturais no suposto de autorización de temporada, computando no prorrateo aquel no que se produce o cese.

Artigo 7º. Normas de xestión

1.- A taxa xestionarásese a partir do padrón da mesma, que se formará anualmente polo **Servizo de Xestión, Inspección e Recadación Tributaria** do Concello en base aos datos aportados polo Servizo de Urbanismo..

2. Nos casos de inicio da utilización privativa ou aproveitamento especial do dominio público local, o suxeito pasivo estará obrigado a presentar autoliquidación da taxa nos impresos habilitados ao efecto pola Administración municipal e a ingresar a débeda tributaria resultante na Caixa de Recadación ou nas entidades bancarias debidamente autorizadas.

3. A autoliquidación ingresada será a conta da liquidación provisional que se practique, de ser o caso, no intre da concesión da licenza para o aproveitamento ou utilización privativa do dominio público local.

4.- O Servizo de Urbanismo comunicará ao **Servizo de Xestión, Inspección e Recadación Tributaria os decretos de concesión de licenzas** para o aproveitamento especial ou utilización privativa, **para a súa inclusión no padrón do período impositivo seguinte.**

5.- No caso de baixa, anulación, revogación e modificación das licenzas concedidas polo Servizo de Urbanismo, se lle comunicará ao **Servizo de Xestión, Inspección e Recadación Tributaria** a efectos de proceder á exclusión ou modificacións do Padrón que correspondan.

6.- A recadación das débedas tributarias dos períodos impositivos posteriores aos das altas no censo, efectuarase mediante a expedición dos recibos, en base o padrón da tasa, nos que figurarán os titulares das licenzas de utilización privativa ou aproveitamento especial.

7.- O padrón da tasa exporase ao público polo prazo de quince días para que os interesados podan examinala e, no seu caso, formular as reclamacións oportunas.

Dita exposición ao público e a indicación do prazo de pago das débedas tributarias, comunicarse mediante a inserción de anuncios no tablón de edictos do Concello, no Boletín Oficial da provincia e nun periódico dos de maior tirada da provincia e producirá os efectos de notificación colectiva a que se refire o art.102.3 da Lei 58/2003, de 17 de decembro, Xeral Tributaria.

Artigo 8º. Infraccións e sancións

Para todo o relativo á calificación das infraccións tributarias e a imposición das sancións correspondentes, rexerá o disposto nos artigos 178 e seguintes da Lei 58/2003, de 17 de decembro, Xeral Tributaria.

Disposición derradeira

A presente Ordenanza foi aprobada de xeito provisorio polo Pleno da Corporación na sesión celebrada o día vinte e sete de outubro de dous mil cinco, quedando definitivamente aprobada por acordo do Pleno da Corporación na sesión de vinte e tres de decembro de dous mil cinco. Comezará a aplicarse a partir do primeiro de xaneiro do ano dous mil seis, e aplicarase mentres non se acorde a súa derogación ou modificación.